

সভ্যতার প্রতি

রবীন্দ্রনাথ ঠাকুর

দাও ফিরে সে অরণ্য, লও এ নগর,  
লও যত লৌহ লোষ্ট্র কাষ্ঠ ও প্রস্তর  
হে নবসভ্যতা! হে নির্ধূর সর্বগ্রাসী,  
দাও সেই তপোবন পুণ্যচ্ছায়াশি,  
গ্লানিহীন দিনগুলি, সেই সন্ধ্যাস্নান,  
সেই গোচারণ, সেই শান্ত সামগান,  
নীবারধান্যের মুষ্টি, বঙ্কলবসন,  
মগ্ন হয়ে আত্মমাঝে নিত্য আলোচন  
মহাতত্ত্বগুলি। পাষণপিঞ্জরে তব  
নাহি চাহি নিরাপদে রাজভোগ নব--  
চাই স্বাধীনতা, চাই পক্ষের বিস্তার,  
বক্ষে ফিরে পেতে চাই শক্তি আপনার,  
পরানে স্পর্শিতে চাই ছিঁড়িয়া বন্ধন  
অনন্ত এ জগতের হৃদয়স্পন্দন।